

冬天情景

押韻：上平聖 5 微

開催日時：2004.11.21.

參加人員：12 名.

收錄順序：年齡順

<一> 作者：龍田 金喆熙

冬天情景孰云微，雪滿千山月滿扉。
商客冒寒通物貨，詩人感興驗真機。
年華又欲行將暮，世事如何去益非。
不有斯間無隱子，衰吾誰與好同歸。

<二>作者：桂塘 李永鎬

冬天情景雪花飛，學業修身愧昨非。
秀麗江山終不變，循環宇宙故無違。
玲瓏月色仙家侈，淅瀝風聲老骨唏。
國土緣何分斷久，平和統一萬民希。
*희：口+希=슬퍼할 희.

<三>作者：一平 趙南權

乾坤秩序理深微，寒暑相交自不違。
陸地菊殘楓已落，江天鳧急雁閑飛。
計謀每次新年大，往事恒時昨日非。
冬至陽生知在近，老軀蟄伏待春暉。

<四>作者：南樸 丁相豪

晨早筇鞋陟翠微，嗶嗶候雁向南飛。
飄飄落葉山程亂，蕭颯寒風午日輝。
誰識豪遊三友益，不勝清興一毫揮。
森羅晚景如前態，對坐舒懷各忘歸。

*혜：木+奚=나무이름 혜. 공：竹+工+叩-口=지팡이 공.

웅：口+甞=기러기 짝지어 울 웅. 겹자. 요：謠-言+風=나부길 요.

<五> 作者：霞山 李鍾福

天寒雨雪寒鴉飛，四野蒼茫人跡稀。
鬱鬱雲山松籟積，寥寥古寺道僧歸。
無情世路隨分足，有酒生涯做事違。
陰極回陽真道理，平穩錢歲受光輝。

*뢰 : 竹+賴=새구멍 통소 뢰.

<六> 作者 : 石村 李斗熙

木落寒山雪欲飛, 農功已畢掩荊扉.
誰知百穀皆辛苦, 造物能令到憩期.

<七> 作者 : 敬菴 隊峇?

風塵散漫雪霏微, 畏怕冬威掩野扉.
地表陽殘江水冷, 山顏葉落樹枝稀.
野燈催衰情蕭瑟, 衙舍糜生計已違.
陰雨紛紜何日定, 窮天萬物待春歸.

*비 : 雨+非=눈 필필 내릴 비. 파 : 情-靑+白=두려울 파.
미 : 麻+繁-敏=엄어매일 미. 운 : 紛-分+云=어지러울 운.

<八> 作者 : 靑灘 趙昌來

萬卷圖書一榻微, 明窓虛室白生輝.
畏寒戶外風聲大, 促節樹梢雨屑霏.
詩債迫如貧士祭, 懶心慳似狡童衣.
古人攻好三餘學, 不害老兒文字圍.

*비 : 雨+非=눈 필필 내릴 비. 간 : 情-靑+堅=아낄 간.

<九> 作者 : 淸溪 趙冕熙

落木蒼茫接翠微, 繞梁雲影帶餘暉.
山容恰似梳蓬髮, 野色疑如脫彩衣.
暮歲三冬陰勝日, 小春十月露凝璣.
邇來白雪坤輿積, 醜美無非掩潔幃.

*위 : 巾+韋=휘장 위.

又

葉落天寒日色微, 忽驚銀屑滿空飛.
飛來飛去隨時積, 隨散隨消底處歸.
雪白千山山月白, 人希四野野鳥希.
窮陰時節何其久, 不遠春風叩凍扉.

<十> 作者 : 葛亭 權宰興

化翁運道理玄微, 催歲人間日薄暉.
何事小春風颯颯, 奚由陽月雪霏霏.
在堂每必重己戶, 出外猶能更複衣.

晝短夜長寒氣積，爐邊談笑一家圍。

*근 ; 土+董=바를근. 비 : 雨+非=눈내리는 소리 비.

又

春夏秋冬運不違，溫涼寒暑各殊衣。

銀花滿谷斑麟立，玉樹深山白鶴飛。

日短宵長循節序，陽生陰極感天威。

莫言門外風霜苦，煖突吟詩道泰希。

又

黑帝揭玄旗，風高葉落飛。

一陽來復日，梅笑臘窓暉。

<十一>作者：柏坡 權奇甲

南國風煙日色微，玄冬時令肅天威。

六花蔽野村猶穩，萬里耕波鴨自肥。

后稷雲孫甘晝夢，神農嫡子念春暉。

我今獨向寒江雪，苦待蓑翁柳子歸。

<十二> 作者：一愚 李忠九

天氣日嚴風猛威，秀松嶺上尙青衣。

釣徒江雪煙波裡，魚鼈閒遊獨忘機。

*釣徒江雪煙波裡：唐張志和居江湖，自稱煙波釣徒，每垂釣，不設餌，志不在魚也。

又

寒天釀雪雪霏霏，萬樹着花塵俗稀。

清夜月明銀世界，衡門茅屋有光輝。